


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-40	Ghafir	85	9	Makkiyyah	Ke-60	5



Zaman Diturunkan Surah Dan Latar Belakangnya

Nama kedua Surah Ghafir ialah Surah Mu'min, ia adalah surah pertama bagi rangkaian surah-surah yang dimulakan dengan حم (حَوَامِيم). Surah Mu'min diturunkan diperingkat terakhir bahagian ketiga kehidupan Rasulullah di Mekah iaitu pada tahun ke-10 Kenabian. Sebagaimana dimaklumi, peringkat ketiga kehidupan Rasulullah s.a.w. bermula dari tahun ke-6 hingga ke-10 Kenabian.

Itu juga zaman diturunkan Surah حم السجدة dan Surah حم الشورى. Hijrah ke Habsyah telahpun lama berlaku sebelum itu. Pemimpin-pemimpin Quraisy yang sombong dan musyrik betul-betul telah menjadi seperti Fir'aun, Haman dan Qarun. Dalam kemabukan kuasa, mereka tidak teragak-agak untuk bertindak zalim dan kejam terhadap orang-orang Islam, mereka tanpa segan silu telah menamakan jalan yang dipilih mereka sebagai سَبِيلُ الرَّشَاد (jalan yang benar) sebagaimana Fir'aun. Rasulullah s.a.w. ditentang mereka dengan sombong dan tanpa hujjah yang masuk aqal. Kepada mereka diceritakan satu kisah seorang mu'min di zaman Nabi Musa, mula-mula dia kerana kebijaksanaannya, menyembunyikan imannya. Setelah melihat Fir'aun tidak mempedulikan pandangannya, dia secara terbuka mengisytiharkan dirinya sebagai seorang mu'min dan muslim. Di dalam surah ini Rasulullah s.a.w. diberikan beberapa langkah supaya bersabar dan beristiqamah dalam menegakan aqidah tauhid.

Perkaitan Surah Mu'min Dengan Surah Sebelum Dan Selepasnya

1. Di dalam Surah az-Zumar manusia dituntut supaya memurnikan aqidah tauhid, di dalam Surah Mu'min ini pula, selain mereka dituntut menerima aqidah tauhid, mereka juga dituntut menerima kepercayaan kepada hari akhirat. Manusia diminta supaya menjauhi sikap degil, keras kepala dan perangai-perangai Fir'aun, mereka juga diberi ancaman kebinasaan jika tidak meninggalkan sikap-sikap buruk seperti itu.
2. Di dalam Surah Mu'min, untuk membuktikan kebenaran tauhid dikemukakan dalil-dalil تاريخي dan juga dalil-dalil عقلي. Di dalam Surah حم السجدة nanti, selain dikemukakan dalil-dalil تاريخي dikemukakan juga dalil-dalil انفعالي dan انفعالي.
3. Di dalam Surah Mu'min, manusia dinasihati supaya tidak bersikap seperti Fir'aun, di dalam Surah حم السجدة pula manusia dinasihati supaya menjauhi sikap-sikap bongkak kaum 'Aad dan Tsamud. Di dalam kedua-dua surah terdapat ancaman kebinasaan.

Beberapa Kata Kunci Dan Tema Utama Surah

1. Di dalam surah ini terdapat dua kali seruan supaya menerima tauhid yang murni.

Manusia diminta supaya bertauhid murni, tauhid yang semestinya bersih daripada sebarang bentuk kesyirikan (Ayat: 14 dan 60). Orang-orang musyrikin Mekah selalu memohon dan berdoa kepada مِنْ دُونِ

الله (Ayat: 66 dan 74). مَنْ دُونِ اللَّهِ adalah satu istilah khusus al-Qur'an bermaksud makhluk yang dijadikan sebagai tuhan oleh maunsia-manusia yang jahil. Satu lagi istilah yang lebih kurang sama dengannya ialah غَيْرُ اللَّهِ.

2. Perbahasan orang-orang musyrikin yang tidak bermakna dan sia-sia disebutkan sebanyak 4 kali di dalam surah ini.

Ini berpunca daripada sikap sombong dan degil mereka (Ayat: 4, 35, 56 dan 69). Begitulah cara mereka berbahas dan berdebat dengan Rasulullah apabila Baginda menyeru mereka kepada tauhid. Seruan kepada tauhid tersebut sebanyak 7 kali iaitu di dalam beberapa ayat berikut (Ayat: 14, 41, 42, 60, 62, 65 dan 84).

3. Punca sebenar penolakan seruan Rasulullah ialah kesombongan dan kebongkakan pemimpin-pemimpin Quraisy.

Kesombongan dan kebongkakan mereka disebutkan sebanyak 5 kali di dalam surah ini (Ayat: 27, 47, 48, 60 dan 76).

4. Di dalam kebanyakan surah di dalam al-Qur'an ada sesuatu perkara yang disebutkan di dalam paragraf pertamanya dan ia diulangi sebut pada paragraf terakhirnya.

Itulah juga yang terdapat di dalam surah ini dimana ahli-ahli politik yang sombong dan pemerintah-pemerintah yang bongkok diberi amaran di dalam ayat ke-21 dan ayat ke-82 surah. Di dalam kedua-duanya disebutkan betapa Allah telah membinasakan beberapa kuasa dunia yang mana di zaman masing-masing ia dianggap terkuat dan terhebat. Amaran seperti itu tidak saja ditujukan kepada orang-orang Quraisy Mekah, malah ia tetap menjadi pengajaran dan i'tibar kepada pemerintah-pemerintah yang sombong di dunia hingga ke hari kiamat.

(a) (Ayat: 21).

كَانُوا هُمْ أَشَدَّ مِنْهُمْ قُوَّةً وَءَانَارًا

(b) (Ayat: 82).

كَانُوا أَكْثَرَ مِنْهُمْ وَأَشَدَّ قُوَّةً وَءَانَارًا فِي الْأَرْضِ

5. Di dalam surah ini satu da'waan yang sama yang dikemukakan oleh dua kepemimpinan yang berbeza bahawa mereka boleh memimpin orang ramai kepada سَبِيلُ الرَّشَاد (jalan yang benar).

Dua kepemimpinan yang berbeza yang dimaksudkan itu ialah kepemimpinan Islam dan kepemimpinan Thaghut. Da'waan oleh kepemimpinan Islam dikemukakan dalam bentuk seorang hamba mu'min yang di peringkat permulaannya menyembunyikan imannya dan da'waan yang dikemukakan oleh

kepemimpinan Thaghut pula dikemukakan oleh kuasa tentera yang dipimpin oleh Fir'aun.

6. Di dalam surah ini orang ramai diingatkan supaya jangan mengikuti kuasa-kuasa Thaghut dan pemerintah-pemerintah diktator.

Kuasa-kuasa itu tidak dapat menyelamatkan mereka pada hari kiamat kelak, bahkan pemimpin-pemimpin dan juga pengikut-pengikut mereka semuanya akan masuk neraka dan di sana mereka saling bertengkar dan menyalahkan satu sama lain (Ayat: 47).

وَإِذْ يَتَحَاوُونَ فِي النَّارِ فَيَقُولُ الضُّعَفَاءُ لِلَّذِينَ اسْتَكْبَرُوا إِنَّا كُنَّا لَكُمْ تَبَعًا فَمَا لَكُمْ بِأَنْتُمْ مُقْتَنُونَ عَنَّا نَصِيبًا مِّنَ النَّارِ ۖ

7. Setelah menolak seruan tauhid, orang-orang musyrikin Mekah memulakan perbahasan-perbahasan yang sia-sia dan tidak masuk akal, dalam menghadapi suasana itu Rasulullah s.a.w. dinasihati supaya bersabar sebanyak 2 kali (Ayat: 55 dan 77).

فَاصْبِرْ إِنَّ وَعْدَ اللَّهِ حَقٌّ